

KEY STATEMENTS FOR THE 2023 THANKSGIVING BLENDING CONFERENCE

Anhtē gaw Hkristu hta kāga mārai hkum, lam ni (snr) ginlam ni ntsa myit māju jung lam nnga ai sha, anhtē a kā-ang dāju hku Kārai Kāsang ap da ai Hkristu a ntsa ē sha myit māju jung ging nga ai. Mānghkang yawng laksan hku ga kāran ai a ginlam hta lāngai sha rē ai hpāran ai lam gaw yawng māyawng lawm ai Hkristu hpe kābu gāra ai lam rai nga ai.

Mādu Kārai hpe kābu gāra ai lam hta mawn nsam law mālawnng nga ai-Mādu Kārai a myi man hpe kābu gāra ai lam, Kārai seng ai sumtsaw sumra lam hta asak hkrung ai lam hpe kābu gāra ai lam, Kārai seng ai māsūm lāngai a Kārai seng ai kāran gāchyan lam hpe kābu gāra lam, Kārai Kāsang a myit dik lam hkanu hpe lu bang ai lam hpe kābu gāra lam, Kārai Kāsang a tsawra myit hpe chyēchyap ai lam, Kārai Kāsang a ra shārawng ai hpe gālaw sa ai hpe kābu gāra ai lam, mākau grup yin māsa yawng hta myit dik myit pyaw ai lam hpe kābu gāra lam hte mungdan hta Kārai Kāsang a kābu gāra lam kāta de shang mat wa ai rai nga ai.

Yawsep a sak hkrung lam māsing sumting gaw Wēnyi a uphkang ai hpe hpaw hpyan ai rai nna, Wēnyi a uphkang ai lam gaw kung hpan ai chyoi pra ai wa a ningngai lam mawn nsam rai nga ai. Wēnyi a uphkang ai ahkang ayang (asak hta ningngai lam sak hkrung lam) gaw Wēnyi a gāra mawn nsam hta mung grau tsaw nga ai.

Anhtē shawng hta tawn da ai kābu gāra lam gaw la nnan rai nga ai Mādu Yēsu gaw tinang hkum hpe jin jin rai nga sai Mādu a num nnan-num nnan a kung hpang ai lam, num nnan a gawgap ai lam, num nnan a dīnghpring ai lam, num nnan a tsawm htap ai lam hte Kārai Kāsang a hpyen wa hpe shāmyit na mātu hpyen jau bu rai nga ai num nnan a mātu yu wa ai lam rai nga ai.

Outline of the Messages
for the Thanksgiving Day Conference
November 23-26, 2023

General Subject:

**Hkristu hpe kābu gāra ai lam htē
kunghpan ai du hkra asak hta anhtē kāba ai lam**

Message One

Hpung hta nga ai manghkang ni yawng de shingdaw nlu ai hpāran hpāreng lam hku,

Yawng māyawng lawm ai Hkristu hpe kābu gāra ai lam

Hti na chyum daw – 1Kor 1:2, 9, 2:9-10, 13:1-8, Yer 2:13, Shy 3:22-24

- I. Lāngai Korinhtu laika gaw, hpung hta nga ai manghkang ni yawng de, shādaw nlu ai hpāran hpāreng lam hku nna, yawng māyawng lawm ai Hkristu hpe kābu gāra ai laika rai nga ai. Mādu a bai lu la lam hta, Kārai Kāsang a yaw shāda lam gaw, Hkristu hpe Kārai Kāsang a yaw mātsing a shingdaw nlu ai kāang dāju hku na mung, anhtē kābu gāra lam a mātu, anhtē a gambum hku anhtē a yawng māyawng hku na mung, bai lu la na mātu rai nga ai – 1:2, 9, 24, 30.**
- A. Anhtē yawng gaw Hkristu a kānawn māzum ai lam, kābu gāra ai lam de shāga woi hkrum ai (kāji- 9). Kānawn māzum lam ngu ga si gaw, kābu gāra lam myit sawn ningmu lawm nga ai. Hkristu gaw, anhtē a kābu gāra lam a mātu, Kārai Kāsang gaw anhtē hpe, gāran ya ai anhtē a gambum rai nga ai (kāji- 2, Kol 1:12).
- B. Lāngai Korinhtu laika hta, kāsa Pawlu a yaw shāda lam gaw, Korinhtu māsha ni lāpran a manghkang ni hpe hpāran hpāreng na mātu rai nga ai. Manghkang ni yawng, grau nna, hka gāran ai lam ni a mātu, lāngai sha rē ai māhtai gaw, yawng māyawng lawm ai Hkristu hpe hkrum kādup hkamsha na mātu rai nga ai.
- C. Anhtē gaw Hkristu hta lai nna, kāning mārāi hkum, arung arai, (snr) kāning rē ai ntsa hta mung, myit māju jung ai lam nnga sha, Hkristu hpe sha myit māju jung ra ai. Kamsham ni lāpran hta na manghkang ni yawng hpe hpāran hpāreng lu na mātu, anhtē a shingdaw ndang ai kāang mādung hku Kārai Kāsang tang tawn ai Hkristu hpe myit māju jung ra ai – 1:9, Kol 1:17b, 18b.
- D. Anhtē a bandung gaw, Hkristu hpe hpring hkra kābu gāra lam htē Hkristu a hkumhkrang hpe gawgap na mātu, Hkristu hpe hpring hkra lu la lam rē ai. Ndai gaw Mileni mungdan hta, anhtē a kumhpa hku Hkristu hpe, chyāhtum chyālai kābu gāra lu na ahkang hpe byin pru shāngun ai – Hpi 3:14, Mht 25:21, 23.
- E. Anhtē gaw, “lāngai sha rē lam hpe myit mang ai” ni byin ra ai. Hpilipi laika hta, lāngai sha rē lam gaw Hkristu hpe kāta lam chyē na hkawn hkrang ai lam htē, hkrum kādup hkamsha lam hpe mādun nga ai. Dai lāngai sha rē lam gaw, Hkristu hpe amyēt lu la na htē, Mādu hpe mādu na, Mādu hpe tam na lam rē ai – 2:2, 5, 1:20- 21.
- F. Lāngai sha rē lam kaw lai nna, kāga lam lāma ma hpe myit mang ai gaw, Kārai Kāsang a yaw mātsing hpe gumlang ai lam rai nga ai. Kārai Kāsang a yaw mātsing gaw, anhtē lāngai rē hpe myit mang na mātu rai ai. Hpung asak hkrung lam hta, anhtē gaw, chyoi pra ai ni yawng hpe, lāngai sha rē lam hpe myit mang wa na mātu, gārūm ra ai. Anhtē a myit mang ai lam gaw, Hpung asak hkrung lam a mātu mung, Hkumhkrang a mātu, Hkristu hpe kāang dāju tawn nna, kābu gāra lam htē hpring nga ra ai.
- G. Lāngai Korinhtu laika hta, Kārai Kāsang gaw, nlaw htum daw lam 20 hta nga ai, sutsu lam ni htē rau, dai lam ni lawm ai Hkristu hpe anhtē a kābu gāra lam a mātu, anhtē a gambum hku anhtē hpe jaw ai lam hpaw hpyan da ai. Hkristan asak hkrung lam a mākoī māgap da lam gaw, anhtē Hkristu hpe kābu gāra lam rai nga ai – 1:9.
1. Anhtē gaw Hkristu hpe anhtē hpang, Kārai Kāsang jaw tawn ai gambum hku, kābu gāra ra ai- kāji 2.

2. Anhtē gaw Hkristu hpe anhtē mātu, dinghpring ai lam, jāsang jāseng ya lam htē hkrang shaw la lam rē ai Kārai Kāsang a hpaji byeng-ya htē Kārai Kāsang a dāgu hku kābu gāra ra ai – kǎji 24, 30.
3. Anhtē gaw Hkristu hpe anhtē a hpung shingakang dandawng lam a mātu, hpung shingakang a Kārai Kāsang, hpung shingakang a hkawhkam hku na mung, kābu gāra ra ai – 2:7-8, Rom 8:30, Shk 24:6-10.
4. Anhtē gaw Hkristu hpe anhtē sunghtum ai lam hku kābu gāra ra ai – 1Kor 2:10.
5. Anhtē gaw Hkristu hpe Kārai Kāsang gawgap lam a shingdaw nlu ai npawt hku kābu gāra ra ai – 3:11.
6. Anhtē gaw Hkristu hpe shālai wa ai hkungga sāgu kasha (5:7), mǎtsi nrawng ai muk (kǎji 8), wēnyi mǎlu mǎsha htē wēnyi seng ai nlung (10: 3-4) hku, kābu gāra ra ai.
7. Anhtē gaw Hkristu hpe Baw shāra (11:3, Kol 2:19. Ehp 1:19-23), hkumhkrang (1Kor 12:12, 24 – 25a, Ehp 4:15-16) hku, kābu gāra ra ai.
8. Anhtē gaw Hkristu hpe shawng si ai asi (15:20, 23) lāhkawng ngu na mǎsha (kǎji – 47) htē anhtē a mātu yawng māyawng byin wa na mātu, asak jaw ai Wēnyi byin wa wu ai jāhtum na Adam hku kābu gāra ra ai.

II. Kārai Kāsang gaw kǎsha a kǎnawn mǎzum lam de, kābu gāra lam de, anhtē hpe shāga woi ai lam hta, sādi dung nga ai. Raitim, lawla ai lang ni hta, Mǎdu yaw shāda lam kǎta de, anhtē hpe Mǎdu a shāga woi ai lam ntsa sādi dung ai lam nnga ai – 1:9, Yer 2:13, Shr 3:22- 24.

- A. Mǎdu a yaw mǎtsing hta, Kārai Kāsang a yaw shāda lam gaw, anhtē a myit dik na lam htē, kābu gāra lam a mātu, anhtē a kǎta de, shi hkum nan kǎran gǎchyan ya na mātu, asak hkrung ai hka a npawt mǎdung htē asak hka htung byin na mātu rai nga ai. Ndaï kābu gāra lam a bandung gaw, Kārai Kāsang a rawt jat ai lam, Kārai Kāsang a kǎba dandawng ai lam, Mǎdu a dandawng lam a mātu, Kārai Kāsang a hpring tsup kuptsup ai hku, Kārai Kāsang a ningrum ningtau, hpung hpe gǎlaw shāpraw na mātu rai nga ai – Yhn 3:29- 30, Ehp 16 – 19, 21.
- B. Asak hkrung ai hka a hka hpawk hku, Kārai Kāsang hpe la lang na mātu lāngai sha rē lādat gaw, shāni shāgu Mǎdu hpe lu bang na htē Mǎdu hpe lwi le na mātu rai nga ai. Ndaï gaw anhtē hpe Mǎdu Kārai hpang, mǎtut mǎnoi shāga na mātu (mǎhkawn mǎgwi ai lam, kābu gāra ai lam, kyuhpyi ai lam, shākawn ai lam hte Kārai Kāsang a hkyehkrang la ai amu ni hpe kǎga ni hpang chyē shāngun ai lam) hpyi shawn nga ai – Shk 36: 8-9, Isai 12: 3-6, 1Kor 1:13, Yhn 7:37 – 39. 4:10, 14, Rom 10:12 -13, 1Hte 5: 16-18.
- C. Kārai Kāsang hpe lu bang ai mǎrang e, Mǎdu hpe kābu gāra na mǎlai, Kārai Kāsang a mǎsha ni gaw, nhkru nshawp ai lam lāhkawng hpe gǎlaw ai mǎrang e, Mǎdu hpe sādi ndung ma ai. “Kǎning rai nme law, nyē a amyū gaw lam lāhkawng hta shut ma sai, shanhtē gaw asak hka hpawk ngu ai ngai hpe, kau da nna, hka nrawng lu ai ntsin htung, gǎja wa, ga mat ai ntsin htung tawk mǎnu ai” – Yer 2:13.
 1. Shawng nnan Kārai Kāsang a mǎsha ni gaw, shanhtē a kābu gāra lam a mātu, rudi npawt, asak hka hpawk ngu ai Kārai Kāsang hpe nyet kau mǎnu ai. Lāhkawng hku nna, shanhtē gaw, shanhtē hpe myit dik myit pyaw lam njaw ai (snr)shanhtē hpe Mǎdu a dandawng lam a mātu, Mǎdu a hpringtsup kuptsup lam ngu ai Kārai Kāsang a kǎba dandawng lam nmai byin shāngun ai Kārai Kāsang nrē ai kǎga rudi npawt de, kǎyin mat wu ai.
 2. Hka nrawng ai ntsin htung htu ai lam gaw, Israela amyū ni gaw Kārai Kāsang shāra hta, mǎlai bang na lāma ma (gawk ngu ni) hpe gǎlaw na mātu, shanhtē a shinggyim shākut shāja lam hta, pu ba yak hkak ai lam hpe singdaw nga ai. Ndaï hka nrawng ai hka htung ni hta, hka nnga ai, ga hten nga ai gaw, asak hka hku nna, anhtē a kata de, kǎran kǎchyan ya ai Kārai Kāsang kaw lai nna, hpa lam raitim, anhtē hpang gāra ai lam hpe nshāmai ya lu ai htē Mǎdu a dandawng lam a mātu, Mǎdu Kārai a rawtjat ai lam nbyin lu ai hpe ngu nga ai (Yhn 4:13-14).
- D. Hten bra ai a nhkru ai mǎsa lam hta, shanhtē gaw Mǎdu Kārai hpe kābu gāra na mātu, Mǎdu Kārai hpang, lu na sha na mātu, nsa ai lam rai nga ai. Shanhtē gaw lawla ai amu ni hpe gǎlaw ai raitim, shanhtē gaw Mǎdu Kārai hpe mǎtut mǎhkai na, Mǎdu hpe la lang na, Mǎdu hpe hkapla lu na, Mǎdu hpe chyim yu na htē Mǎdu hpe kābu gāra na mātu nsa ma ai. Kārai Kāsang a shawng hta, ndaï lam hta na grau nhkru nshawp ai lam nnga ai – Esa 57: 20, mǎdun – 55: 1-2, 6-7.

- E. Anhtē gaw sǎdi ndung timung, Kārai Kāsang gaw sǎdi dung ai. Raitim Mǎdu a sǎdi dung ai lam gaw, anhtē a rudi mābyin chyēna ai lam (snr) ningmu hku nrē ai.
1. Kārai Kāsang gaw anhtē a gawng ngu yawng hpe la gābai ya ai lam hta sǎdi dung ai. Mǎdu Kārai hta lai nna anhtē grau tsawra ai (snr) anhtē a asak hkrung lam hta, Mǎdu Kārai hpe mālai bang ai kāning rē lam mung, gawng ngu rai nga ai – Ezk 14:3, 1Yhn 5:21.
 2. Anhtē a mǎkau grupyin shinggan daw simsa lam, anhtē a dinghkrai myit shālan ai lam, nga pyaw ai lam htē anhtē mǎdu ai lam ni gaw, anhtē hpe lam shut na mǎtu, woi awn nga ai gawng ngu ni byin wa chyē ai. Raitim Kārai Kāsang gaw, ndai lam ni hpe la gābai kau ya na mǎtu, sǎdi dung nga ai. Rai yang she, anhtē gaw, asak hkrung ai hka hpaw hku, Mǎdu hpe lu mai na rai nga ai.
 3. Kārai Kāsang gaw anhtē hpe dinghkrai shingbyi ai lam nnga sha, Mǎdu hta shingbyin na mǎtu shārin la na htē, anhtē hpe māyak mǎhkak ni hkrum kǎdup hkamsha na mǎtu, ahkang jaw ai hta mung sǎdi dung nga ai. Rai yang she, Mǎdu gaw, anhtē hpe Hkristu hpe kābu gāra na mǎtu, Hkristu hpe mǎrawp bang na, Hkristu hpe lu sha na htē Hkristu hpe rin māni na mǎtu, Mǎdu a yaw mǎtsing kǎta de anhtē hpe woi awn lu na rai nga ai. Rai yang she, Kārai Kāsang gaw, Mǎdu a yaw mǎtsing hpe hpring tsup shāngun na mǎtu, anhtē a kǎta hta law htam wa na rai nga ai – Yer 17:7-8, 2Kor 1:8-9, Yhn 16:33, 1Kor 10:3-4. 12:13.
 4. Kārai Kāsang gaw Hkristu hpe anhtē a kābu gāra lam hta lai nna, kāga hpa lam hpe mung, myit nshang sha ai. Anhtē a hkrat sum lam a mǎjaw, myit mǎda shāra nnga ai ngu, anhtē mai shǎdu timung, Kārai Kāsang gaw myit hten ai lam nnga ai. Anhtē a hkrat sum lam ni gaw, anhtē a mǎtu yawng māyawng byin wa na htē Hkristu du shang wa na mǎtu lam hpaw ya nna, Mǎdu hpe anhtē ni kungghan ai lam de sa ya lu ai – Rom 8:28-29, Heb 6:1a, Nn 37:1 htē mǎtsing 1, 47:7 htē mǎtsing 1.

III. Lāngai Korinhtu laika gaw, Mǎdu Kārai hpe kābu gāra na lǎdat gaw, Mǎdu hpe tsawra na (2:9-10. 16:22) htē shǎda da tsawra na (13:1-8a) rē hpe hpaw hpyan da ai. Mǎdu Kārai bai lu la lam gaw, Mǎdu Yēsu hpe ningshawng tawra myit htē tsawra na htē (Shr 2:4, 1Yhn 4:19), Hkristu a hkrung ai hkumhkrang hpe gawgap na mǎtu (Ehp 4:16) shǎda da tsawra na mǎtu bai lu la lam re ai.

- A. Mǎdu Kārai hpe anhtē a tsawra ai gaw, anhtē hpe Mǎdu a myit kǎta de du shang na mǎtu htē de a mǎkoi mǎgap lam yawng hpe chyēna shāngun na mǎtu mung, Kārai Kāsang gaw anhtē a mǎtu, hkyen lǎjang tawn ai, hpǎjan tawn ai sunghtum nna mǎkoi mǎgap lam ni hta, anhtē shang lawm na mǎtu, chyēna hkawnhkrang na mǎtu mung, anhtē hpe dangdi shāngun na mǎtu, nnga nmai hpyi shawn lam re ai. 1Kor 2:9-10, Mht 22:37-38, Shk 73:25, 116:1-2.
1. Hpung asak hkrung lam a shang lawm ai lam gaw, Hkristu hpe anhtē a kābu gāra ai hta mǎdung nga ai. Mǎdu hpe anhtē kābu gāra mǎgang, shanglawm ai lam sutsu mǎgang re ai. Raitim, Hkristu hpe kābu gāra na mǎtu, Mǎdu hpe ningshawng tsawra myit htē tsawra ra ai – Shr 2:4-5, 7.
 2. Hpung a hkrat sum ai lam gaw, Mǎdu Kārai ntsa ningshawng tsawra myit hpe kau tawn ai kaw na hpang ai. Mǎdu Kārai hpe ningshawng tsawra myit, kāja htum ai tsawra myit htē tsawra na gaw, yawng māyawng hta, Mǎdu hpe grau htum ai shāra, ningshawng shāra jaw ai lam, anhtē a asak hkrung lam hta, yawng māyawng hku la lang na htē myit dum na mǎtu, Mǎdu a shǎwang tsawra myit a mǎrang ē nlu nda lau la hkrum ai lam re ai – Shr 2:4-5, Kol 1:18b, 2Kor 5:14-15, Mak 12:30, Shk 73:25-26.
 3. Mǎdu Yēsu hta kamsham ai shǎloi, anhtē lu la ai asak gaw mǎrai hkum rai nna, ndai mǎrai hkrum hpe la lang na htē, kābu gāra na mǎtu, lāngai sha rē lǎdat gaw, Mǎdu Yēsu hpe ningshawng tsawra myit htē tsawra ai mǎrang ē rē ai. Anhtē a asak hku nna, Mǎdu Yēsu gaw, mǎrai hkum rē ai mǎjaw, anhtē gaw ndai aten htē shāni shāgu, Mǎdu a ya nga nga ai man hpe hkamsha lu na mǎtu, Mǎdu htē ningnan mǎtut mǎhkai ai lam nga ra ai- Yhn 11:25, 14:5-6, 1Tim 1:14, Yhn 14:21, 23, 2Kor 5:14-15, Shr 2:4-7, Kol 1:18b, Rom 6:4, 7:6.
 4. Anhtē gaw Hkristu a tsawra myit htē hpring nga ai ni rai ra ai. Kārai seng ai asak gaw, anhtē hpang alāwan sha lwi nga ai hka kāba lwi ai zawn byin ra nna, anhtē a dinghkrai gawnhkang ai hta grau lai nna, Mǎdu hpe asak hkrung na htē Mǎdu hpe chyǎhtum chyǎlai tsawra na mǎtu, anhtē hpe shǎdut ya ai – 2Kor 5:14.

5. Mădu Kărai hpe chyăhtum chyălai tsawra na mătu, anhtē gaw, Kărai Kăsang a ntsa hta, anhtē a asak hkrung ting hta nga ran a lam, Mădu a htap htuk ai lam (tsawra na zawn rē lam, shărawng awng lam, si mănı byin ai lam) hpe măda yu na mătu, Mădu a htingnu hta, Kărai Kăsang hpe san ai lam hta, shărawng awng let tam bram ai ni byin na mătu ra nga ai. Mădu Kărai hpe san ai lam gaw, anhtē a shăni shăgu asak hkrung lam hta, yawng măyawng hpe Mădu Kărai hpang, san jep na mătu re ai – Shk 27:4.
- B. Tsawra myit gaw, Hkristu a hkrung ai hkumhkrang hku nna, hpung hpe gawgap na mătu, hpa mung byin na htē (snr) hpa lam hpe mung gălaw na htē anhtē mătu grau htum ai lădat re ai – 1Kor 12:31b – 13:8, 13, mădun- 14:1, 3, 4b.
1. “Măchyē măchyang gaw gumrawng shăngun nna, tsawra myit chyawm gaw gawgap nga ai” Anhtē gaw amu măgam a kăran kăchyan lam ni hpe mădat nna, măchye măchyang san san hku gumrawng wa na re ai.
 2. Tsawra myit a tăra rē ai asak a Wēnyi tăra gaw (Rom 8:2, Gal 6:2-3), anhtē a kăta hta, asak bang ya ai shăloi, Mădu Kărai hta, anhtē a shăkut shăja ai lam gaw tsawra myit a shăkut shăja ai lam (1Kor 15:58, 1Hte 1:3) rē ai. Dai hta anhtē gaw, gawngkya ai ni hpe gărüm mădi shădaw ya nna (Ksa 20:35, 1Hte 5:14), gawngkya ai ni gaw, shanhtē a wēnyi (snr) myit, hkumhkrang (snr) măkam măsham hta gawngkya ai ni hpe ngu ai.
 3. Anhtē tsawra ai Hkristu gaw, Hpung hpe tsawra ai Hkristu rē ai (Ehp 5:25). Mădu hpe anhtē tsawra ai shăloi, Mădu gălaw ai zawn hpung hpe tsawra na rē ai. Hpung asak hkrung lam gaw, hpunau shăda da tsawra ai asak hkrung lam re ai (1Yhn 4:7-8, 2Yhn 5-6, Yhn 15:17, Shr 3:7, Ehp 5:2, mădun – Yud 12a), hkumhkrang gaw, tinang hkum nan tsawra myit hta gawgap nga ai (Ehp 4:16) – Ehp 5:25.
 4. Anhtē a Kărai Kăsang jaw da ai, ningnan shăngai tawn ai wēnyi gaw, tsawra myit a wēnyi rē ai. Dai ni hpung asak hkrung lam a hkrat sum lam hpe dang lu na mătu, tsawra myit a suhprang nga ai wēnyi nga ra ai – 2Tim 1:7, Rom 12:10-11.
 5. Hkristu hkumhkang a tengman lam a mătu, lăngai sha nga ai lam, gawgap lam htē rau sha gumhpawn ai lam hpe hkrum kădup hkamsha na mătu htē kăbu găra lam kăta de, grau na sit shang wa ai htē măren, lăngai htē lăngai ntsa tawn da ai anhtē a tsawra myit gaw anhtē a mătu tengman wa ai – 1Kor 12:14-17, Rom 16:1-16, Kol 4:16, Yhn 12:24, Jaw 2:4-5.